

sondern Gott der von sich sagt Amos 3. ist auch ein Unglück in der Stadt/das der Herr nicht macht/der gebeut der Thewrung/das sie kommen muß/wenn er die Bosheit der Menschen straffen wil/darumb wird sie von den Propheten vnter die 4. Landstraffen Gottes gerechnet/welche da sein/ Thewrung/Krieg/Pestilenz vnd wilde Thiere. Vnd was sonderlich die Thewrung anlanget / sagt Gott selbst Amos 4. Ich habe euch in allen ewren Städten müßige Zee- ne gegeben/ vnd mangel am Brodt/ an allen ewren Orten/ noch befehret ihr euch nicht zu mir / spricht der Herr. Auch habe ich den Regen vber euch verhalten / bis das noch drey Monden waren zur Ernden/vnd ich ließ regnen vber eine Stadt / vnd auff die ander Stadt ließ ich nicht regnen. Ich plaget euch mit dürrer Zeit / vnd mit Brandkorn/ so straffen auch die Rauyen alles/was in ewren Gärten/Weinbergen/Feigenbäumen vnd Olbäumen wuchs/noch bekeret ihr euch nicht zu mir / spricht der Herr. Vnd Job 12. Wenn er das Wasser verschleust/so wirds alles dürrer/ vnd wenn ers aufles- set/so feret es das Land vmb. Vnd Agg. 1. Ich habe die dürrer geruf- fen/ vber Land vnd Berge/vber Korn/Rost/Ole/vnd vber al- les/was aus der Erden kommet/auch vber Lente vnd Vieh/vnd vber aller Arbeit der Hände. Ob nun wol vnser lieber Gott auch fromme Leut bisweilen lesser in hungers noth geraten/jedoch so pfeget er ge- meiniglich mit thewring die bosheit der Menschen heimzusuchen / vnd mit solcher plage straffet er erstlich in gemein alle Sünden/ dar- umb sagt Syrach cap. 40. Fier/hagel/hunger/Todt/ solches alles ist zur rache geschaffte. Es sind auch die winde ein reit zur rache geschaf- fen/vn durch ir stürme thun sie schadē/vnd wen die straff komen soll/ so toben sie vn richten den zorn aus des/der sie geschaffen hat. Wen derwegē vnser lieber Gott/hagel vud schlossen/Sturmwind vn plag- regen, vnd andere dergleichen vn gewitter vnter vns schieket/dadurch hunger vn tewrung vnter vns verursachet wird/sollē wir nit anders gedencken/den dz er sein rachs Schwert vber vnser sünde zucke / vn vns also thetliche busypredigten thue/den wen der Gottlose sündiget wird er die Creatur rüsten zur rache vber die feinde/vnd die gesch. of der plit- zen werden gleich zutreffen/vn werden aus den wolcken als von einē hartgespannenen Bogen faren zum ziel/vnd wird dicker hagel fallen/

Gott  
strafft mit  
tewring.  
Amos 8.

Job. 12.  
Agg. 1.

Syr. 40.